



**Francisci De Fargna Civitatis Plebis Patrii Philosophiæ,  
Sacræ Theologiæ, ac J. U. Doctoris ... Commentaria In  
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de  
Montisfalisci, M.DCC.XVII.**

Casus VIII. Argumentum. An possessio dignitatis, cui est annexum  
Juspatronatus malitiosè impedita, habeatur pro capta in ordine ad  
præsentandum?

---

[urn:nbn:de:hbz:466:1-72191](#)

Jacobus in præsupposita etiam figuratione, quod enarrasset Pontifici, sese reportasse medietatem Patronorum, ductus fuit justissimo errore, etiamsi veritas foret in contrarium, quando Archiepiscopus in faciem loci plus videns, non tantum litteraliter usus fuerat in gratificando hoc eodem vocabulo *medietatis*, sed innixus eidem partitioni, seu medietati Patronorum, gratificavit cum subsequuta effectuatione, alterum de præsentatis in simili scissura Juratorum; Si ergo ultimus status radicabatur in hac medietate, etiamsi non valeret in ratione ultimi status, valebat saltem in ratione Jacobum tuendi à subreptione, si credidit, quod credebat Archiepiscopus ad ea, quæ in proposito uno ore consonant Scribentes, quod factum non expressum, vel male expressum cauerit subreptionem, non Ius, utpote existens in scrinio pectoris Principis suppliati, & concedentis *Felin.* in cap. Super litteris sub num. 8. versic. Secunda regulæ de rescript. *Gonzalez ad regul. 8. Cancellar.* §. 4. *Prudential.* num. 83. & seqq. *Lotter.* de re Beneficiar. lib. 3. quest. 44. num. 22. *Rota decif.* 569. num. 15. par. 5. & dec. 536. num. 5. par. 19. recent.

Quo verò ad pertinentiam collationis in hoc casu ad Papam, & non ad alium, itaut lubentius in omnem eventum foret substinenda collatio jam facta, ad regulam multa facta tenent, de qua *Rota in Aculana Beneficii 5. Martii 1698. coram Me, inter hactenus impress. decif. 35. numer. 19. ibique concordan.* satis liquidum esse (subnectebant *tidem Domini*) perspecta ipsam contraria, seu capitali ratione, ob quam exorta est præfata propositione, quod nullam vocem habere censeatur ille, qui habet pro se medietatem Collegii, medietatem Communitatis, ex quo ea stare non possit in æquilibrio, quapropter consequbatur, quod ad Papam delata erat collatio cum Patronis, prout hic, in termino præsentandi non concordantibus, nec Archiepiscopus queat gratificare, licet enim adesset aliis compresentatus, nemo tamen eorum dicetur verè præsentatus, & ad consequendam gratificationem idoneus, ut concludere post bene enucleatam materiam videtur *Modernus Romanus discept. Ecclesiastico-*

*Pars I.*

tomo primo discept. 4. num. 34. in fine, cum seqq.

Absoluto ingeniorum conflictu, pro majori parte *Dominorum* exiit, ut meminimus, affirmativa resolutio, ex quo, & crediderunt validiora esse priora fundamenta, & reputarunt fortè per impedimentum, litis non effluxo termino, Patronos denuò præsentare posse per concursum, magisque ob id salutarem, & utilem Ecclesiæ provisionem tanquam ex non repleta adiuc vacatione resultare potuisse, & quia tandem pro coronide ad diluendam omnem hæsitationem concurrere visa est ipsius Jacobi confessio per viam facti, quod potentius est verbis, ipse enim veluti agnoscens consensum a se reportatum singulariter, sive, ut dicitur ostiati, nullatenus ei posse ad Gratiaë substantiationem suffragari curavit, sed inutiliter, illum denuò obtinere per viam actus Collegiativi, nulla quippe major datur etiam in dubio verificatio veritatis, quam ea, quæ resultat ex confessione ipsius Partis tam verbo, quam facto ad firmata per Rotam coram *Emerix Jun. decif. 1127. num. fin. & in-* recent. part. 10. decif. 250. numer. 3. & 4. cum aliis in *Senen. Jurium Parochialium.* 15. Februarii 1708. *S. Modernam* verò coram *R. P. D. meo Lancetta.*

Et ita utraque &c.

#### ARGUMENTUM.

An Posseffio dignitatis, cui est annexum *Juspatronatus* malitiosè impedita, habetur pro capta in ordine ad præsentandum, sed limita, ut num. 3. & amplia, ut num. 4.

- 1 *Posseffio Dignitatis, cui est annexum Juspatronatus malitiosè impedita,* habetur pro capta in ordine ad præsentandum, sed limita, ut num. 3. & amplia, ut num. 4.
- 2 *Actus impeditus in odium impudentis* habetur pro facto.
- 3 *Nemo iacturam sui Juris pati debet ex culpa, & delicto alterius.*

## C A S U S VIII.

**F**uit impedita à quodam malitiosè, & hoc directè agente, possessio Archiepiscopatus, cui annexum erat Iuspatronatus ad effectum, ne Archiepiscopus præsentaret. Queritur in hoc Casu. An hujusmodi possessio habeatur pro capta, ad effectum, ut Archiepiscopus possit præsentare?

Movet hunc articulum D. Advocatus Pitonius Præceptor meus in Panormitana Thesauraria, quæ impressa reperitur apud ipsum in ejus Tractatu de Controversiis Patroni, alleg. 19. tomo 1. ut prius dixit Discip. Eccles. 12. num. 56. ex cuius dictis Ego infra subjicio ad resolutionem quæstionis.

2 Et quidem affirmativè est resolvendum, etenim Actus impeditus in odium impedientis habetur pro facto juxta Barboſa de Canon. cap. 15. num. 13. & 14. Gonzal. ad regul. 8. §. 3. Proemial. num. 38. Adden. ad Gregor. decis. 341. litt. A. infine, & decis. 364. sub num. 6.

3 Benè verum est, quod impedimentum præstitum capturæ possessionis non potest operari; quod illa habetur pro capta, quoties Archiepiscopus non fecit ostensionem Litterarum Apostolicarum Capitulo ad effectum ei notificandi, quod illæ erant expedite, & per ipsum non stabat, quo minus adipisceretur possessionem Archiepiscopatus, sine qua circumstantia non procedit regula, quod propter impedimentum possessio habetur pro capta, ut probat Rota apud Garz. de Benefic. par. 5. cap. 4. num. 262. vers. Et Domini dixerunt.

4 Quod ampliatur etiam si ex tali Civili captura possessionis oriatur præjudicium Terti, qui directè non impedivit; quia tali Casu conditio capturæ possessionis habetur pro impleta, non quidem in odium impedientis, sed potius favore impediti, ne patiatur jacturam sui Iuris sine culpa, & facto proprio, Rota in Burgen. Canonicius 8. Julii 1584. coram Bubalo impress. apud Garz. de Benefic. par. 5. cap. 4. num. 262. Bartol. in L. in testamento 31. ff. de condit. & demonstrat. Text. in L. Si Titius statuas ff. de condit. & demonstrat.

Corneus in L. Cod. de instit. & substit. n. 18. cùm sit iniquum, quod alteri ex facto, & culpa Terti fiat præjudicium, cùm nemo jacturam sui Iuris patiatur ex culpa, & delicto alterius L. eleganter ff. de dolo, Rota decis. 135. numer. 39. par. 16. Recent.

## A R G U M E N T U M.

Uno ex Patronis non præsentante, cæteris præsentantibus, vox illius favore cujus augeatur?

## S U M M A R I U M.

- 1 Jus accrescendi habet locum inter Patronos re, & verbis conjunctis; & num. 3.
- 2 Aliquis Patronis non præsentantibus, cæteris præsentantibus, an vox non præsentantium augeatur præsentantibus?
- 4 Natura conjunctionis est, ut conjuncti constituant unum Corpus, unusque Personæ vice fungantur.
- 5 Ordo affectionis, ut disparitatem operetur, itaut unus præferendus sit alteri in successione, & substitutione, ex quibus estimari debeat? & numero 6.
- 7 Presentatus à majori parte Patronorum est instituendus.
- 8 Consanguineus solum in paritate, & non in disparitate vocum est prærendus Extraneo.

## C A S U S IX.

**C**olella, & Bartholomæus Pantoliano renovarunt anno 1554. fundationem Jurispatronatus Cappellæ Sanctæ Crucis, reservantes de communi consenu pro se, eorumque hæredibus, & successoribus quibuscumque Jus præsentandi. Et cùm hæredes, & successores Colella nunc existentes, & descendentes à Joanne ejus filio sint Aloysius, Clara, & Theresia, hæredes vero, & successores Bartholomæi nunc existentes ex parte Camilli ejus filii sint Cæsar, & Lucretia; Ex parte Marci Antonii ejusdem Bartholomæi pariter filii